

公羊春秋經傳通義

春秋公羊經傳莊公第三

公羊通義  
卷之三上

何氏解詁

孔廣森謹案

元年春王正月

公何以不言即位春秋君弑子不言即位

目春秋者時君

自行即位之禮特春秋不言耳君弑賊不討不書葬以義治也君弑子不言即位以仁治也二者並是春秋新意俗儒猥云不行即位之禮故不書是猶以春秋爲魯之史非君子之經也今皆據事直書而已將不書葬者亦可謂尸柩實未瘞乎子有故君子爲之隱而子不自隱非子也後有作者觀乎春秋不幸遭人倫之變側席思憂終身不忍卽正可與言孝矣君弑則子何以不言卽位隱之也孰隱隱子也

解詁曰隱痛是子之禍不忍言卽位

三月夫人孫子齊

孫者何孫猶孫也內諱奔謂之孫

猶孫也者猶遜讓之遜也諱若

自讓其位而去

夫人固在齊矣其言孫于齊何念母也

以將

來月練祭莊公感母在齊念而迎之左傳曰元年春不稱即位文姜出故也雖失經意然彼据魯史可見夫人實非三月始孫矣至是始書者前與桓公如齊公弑懼為國討留齊未反本非出奔孫文無所施今將迎而返之乃著之曰是時固孫于齊也不言其迎者義不當迎君子削之也然自孫後更無復文而下書會書饗書如齊師其見正月以迎而復也明矣所謂沒其文而不沒其實

存君念母以首事

公孫則正月書其所在以存君也夫人孫則接練時錄母之變

以念母也自卒哭而祔比至于練閒無他祭莊公即位首舉此祀事故曰首事內諱奔謂之孫乃公與夫人通例此承上文兼說之也公孫曰夫人孫月尊卑之差也解詁曰非實孫月者起練祭左右

夫人何以不稱姜氏

解詁曰据夫人貶惡其驥姓姜氏孫于邾婁

曷爲貶與弑公也

等與弑公貶異處者分別實孫否也本所以貶夫人者著其罪

又以惡臣子也夫人姜氏孫于邾婁是內絕之之辭絕之則無惡也於其喪歸乃復以小君事之故惡之於彼夫人孫于齊內逆之之辭也自後遂終以小君事之故惡之於此後不待貶矣其與

弑公奈何夫人譖公於齊侯公曰同非吾子齊侯

之子也

解詁曰如其事日訴加誣曰譖

齊侯怒與之飲酒於其出

焉使公子彭生送之

音義疏云與下句絕讀

於其乘焉

解詁曰於

其將上車時

擗幹而殺之

解詁曰扶上車以手擗折其幹陸德明曰幹脇也音義擗

音拉念母者所善也則曷爲於其念母焉貶不與念

母也

解詁曰念母則忘父背本之道也故絕文姜不爲不孝距剛順不爲不順脅靈社不爲不

敬蓋重本尊統使尊行于卑上行于下貶者見王法所當誅至此乃貶者并不與念母也又欲以孫

為內見義明但當推逐去之  
亦不可加誅誅不加上之義

### 夏單伯逆王姬

單伯者何吾大夫之命乎天子者也

范武子曰諸侯歲貢士于

天子天子親命之使還其國為大夫者不名謹案命大夫以名氏書單伯以伯仲書推此知大國之卿與王之上士同秩其命乎天子者則與中大夫同秩左氏經云單伯送王姬誤也經書單伯會諸侯于鄆單伯如齊單伯至自齊並是內大夫之辭且逆則據往之日書先行單伯而後築館可也送則據來之日書時尚未有何以不稱使解詁曰言以居王姬也是不可通也天子召而使之也緣親親之義則我不可受文可得召而使我也故因而不稱使以為內殺惡也春秋之義以王事辭家事不以家事辭王事父之誓不敢不誓也王命勿誓則亦不敢誓也孝子之心盡其得自盡者而已是以主王姬無譏於其符

焉乃逆之者何使我主之也曷爲使我主之天子

嫁女乎諸侯必使諸侯同姓者主之諸侯嫁女于

大夫必使大夫同姓者主之解詁曰不自爲主者尊卑不敵其行婚姻

之禮則傷君臣之義行君臣之禮則廢婚姻之好故必使同姓有血脈之屬宜爲父道與所適敵體者主之禮尊者嫁女于卑者必持風旨爲卑者不敢先求亦不可斥與之者申陽唱陰和之道天子嫁女于諸侯備姪娣如諸侯之禮義不可以天子之尊絕人繼嗣之路我主書者惡天子也禮齊衰不接弁冕仇誓不交婚姻

秋築王姬之館于外

何以書譏何譏爾築之禮也于外非禮也于外何

以非禮築于外非禮也申言築于外非禮者假令國外舊自有館于外可也

夫有所受之也今特築之而外之是疏王姬且營衛不謹故曰館王姬于外則可曰築王姬之館于外則不可穀梁傳曰主王姬者必自公門出解詁曰不以將嫁于魯國除譏者魯本自得以魯為解無為受命而外其築之何以禮主王姬者必為之故曰非禮

改築主王姬者則曷為必為之改築解詁曰據諸侯宮非一

於路寢則不可君之治朝非所以處女子小寢則嫌為遠別也羣公

子之舍解詁曰謂也則以卑矣以即已字卑太卑其道必為

之改築者也解詁曰築例時

冬十月乙亥陳侯林卒

王使榮叔來錫桓公命

錫者何賜也解詁曰上與下之辭命者何加我服也錫命之禮諸公

奉篋服加命書于其上太史述命侯氏降拜升成拜太史加書于服上侯氏受故經舉命傳舉服也上公九命其餘大國七命小國五命王子母弟有大功德者雖諸侯加命如上公其服以九爲節錫命例月重錄之加於聘也趙汭曰錫成公命其言書月著例也凡蒙上事月者以著例決之

桓公何

据已

追命也

善諡不當復加錫不言天王

者桓行實惡而乃追錫之尤悖天道故云爾謹案周公制禮諡以易名然而有幽靈厲冥者諸侯受諡于天子天子稱天以諡之自尊臨卑雖君父之惡臣子有不得而隱也君子蓋取此意施之春秋以秦先王以王先正月若曰諸侯有罪正之以王王有罪正之以天桓公之行是謂無王無王之人而追命之是謂無天凡內錄王使唯加禮於桓公成風之喪者不稱天其故可知也易曰有夫婦然後有父子有父子然後有君臣桓公推刃于同父成風以妾母儼于小君父子之恩缺夫婦之分亂而君臣之義或幾乎熄矣文王之道刑于寡妻至于兄弟以御于家邦魯廢文王之法度而天子方



崇獎之非所以欽承王業奉若天道也雖然尊者不可以屢讓故來聘求車皆不去天將於失之重者壹讓而已蓋莫重乎其追錫命

### 王姬歸于齊

何以書我主之也

由我嫁故同於內女月錄之家鉉翁曰書云釐降二女于漕汭

詩序言王姬下嫁于諸侯曰降曰下猶有自上而下之意至春秋垂法則曰王姬歸于齊與列國女嫁諸侯者無異辭所以見陰從陽夫倡婦不以天子女至貴而素居室之大倫其慮後世遠矣

### 齊師遷紀邾鄆郚

遷之者何取之也取之則曷爲不言取之也爲襄

公諱也

解詁曰襄公將復讐于紀故先孤弱取其邑本不爲利舉故爲諱謹案諱取言遷使

若遷陽遷宿者然不嫌實遷者以稱師也遷之義在十年邾鄆郚三邑名穀梁說三言爲國諱也邾

地入齊其後爲外取邑不書此何以書大之也何

大夫伯氏邑

解詁曰將大滅紀從此始故重而書之

大爾自是始滅也

二年春王二月葬陳莊公

夏公子慶父率師伐於餘丘

於餘丘者何邾婁之邑也曷爲不繫乎邾婁國之

也曷爲國之君存焉爾蓋咸邱爲魯所焚邾婁君遷都于此公子慶父傳及

史記並以爲莊公之母弟唯杜預云莊公時年十五則慶父莊公庶兄廣森謂隱公之攝本以桓幼自隱元迄同生之歲才十七年就令慶父先生亦長於莊無幾詎足勝專伐之任乎此由東遷以後亂世之事託體公侯生而暴貴廢丈人之律與弟子之尸未可揆以恒理議其長少且令慶父非貴介弟必不至援一生一及之法而自謂當立矣貶不稱弟不發傳者與牙同罪從彼傳可知友賢亦

不稱弟者春秋許人弟者必使弟也管蔡失道而周公成其聖慶牙誅而季子成其賢終周公季子之心豈得已哉

秋七月齊王姬卒

外夫人不卒此何以卒錄焉爾曷爲錄焉爾我主

之也

檀弓曰齊穀王姬之喪魯莊公爲之大功由我嫁服姊妹之服故恩錄之也不言齊侯夫

人而以王姬繫齊醇同於內女文

冬十有二月夫人姜氏會齊侯于郛

解詁曰書者婦人無外事外則

近淫不致者本無出道有出道乃致奔喪致是也謹案會不蒙月月者爲下卒出

乙酉宋公馮卒

三年春王正月朔會齊師伐衛

溺者何吾大夫之未命者也

趙汭曰凡內臣會伐不月溺以會仇讐抗

王命月廣森謂此兩惡并重錄責之甚也凡侵伐常例時閒有月者皆殊文以見美惡諸侯之師以錄月者為善公會侵蔡侵楚宋公伐齊是也大夫之師以錄月者為惡溺會伐衛公孫慈會侵陳是也君臣殊科故得相反以成其義

夏四月葬宋莊公

纂未明而書葬者為繆公之後諱與喜時同義

五月葬桓王

此未有言崩者何以書葬蓋改葬也

是文九年傳所謂過時書

者也改葬之服總禮則有之然骨肉歸復于土其道尚靜苟有陵谷之變至動尸移柩孝子仁人所不忍言也卜葬之詞曰考降無有近悔舉天下而葬一人未能遠悔尚復改葬蓋不慎矣若乃無非常之變榮奢更葬尤春秋之所惡也古不脩墓況改葬乎

秋紀季以鄒入于齊

紀季者何紀侯之弟也何以不名

据非先君之弟當言紀侯之弟

某賢也何賢乎紀季服罪也其服罪奈何魯子曰

請後五廟以存姑姊妹

董仲舒曰春秋之法大夫不得專地又曰公子無去

國之義又曰君子不辟外難紀季犯此三者何以爲賢賢臣固盜地以下敵棄君以避患乎曰賢者不爲是是故託賢於紀季以見季之弗爲也紀季弗爲而紀侯使之可知矣齊將復讐紀侯自知力不加而志距之故謂其弟曰我宗廟之主不可以不死也汝以鄒往服罪于齊請以立五廟使我先君歲時有所依歸春秋之於所賢也固順其志而一其辭章其義而褒其美今紀侯春秋之所貴也是以聽其入齊之志而詭其服罪之辭也解詁曰言入者難辭賢季有難去兄入齊之心故見之男謂女先生爲姊後生爲妹父之姊妹爲姑謹案喪服女子適人不降昆弟之爲父後者其傳曰婦人

雖在外必有歸宗曰小宗故服期也言五廟無後則姑姊妹之嫁者有所取無所歸故以存姑姊妹爲辭惠士奇曰古者諸侯受封必有采地百里諸侯以三十里爲采七十里諸侯以二十里爲采五十里諸侯以十里爲采其後子孫雖有罪而紕使子孫賢者守其地世世以祠其始封之君是爲采此韓詩外傳之說必有所據邢鄆鄆者紀之封鄆者紀之采遷封而留采故紀滅而鄆存然則紀季蓋紀子孫之賢者與附庸有采無封附於五等封內故曰附庸若紀季以鄆入于齊則附於齊之封內爲齊之附庸矣

### 冬公次于郎

其言次于郎何刺欲救紀而後不能也

左傳曰凡師一宿爲

舍再宿爲信過信爲次解詁曰次者兵舍止之名惡公既救人辟難道還故書其止次以起之諸侯本有相救之道所以抑強消亂也次例時

四年春王二月夫人姜氏饗齊侯于祝丘穀梁傳曰婦人既嫁

不踰竟踰竟非正也婦人不言會言會非正也饗甚矣解詁曰月者再出重也三出不月者省文從

可知

三月紀伯姬卒伯姬即隱二年紀所逆者蓋惠公之姊妹女子子嫁于國君者傳曰何以大功章有君為姑

也尊同則得服其親服故春秋之義內女嫁于諸侯者錄卒嫁于大夫者不錄卒也其杞伯姬亦諸

侯夫人不見卒者杞伯姬者桓公之女也僖之季年猶來求婦蓋卒于文宣之世於屬為父之姑尊

絕旁總況復出降本以有服恩錄無服則不錄矣所傳聞之世恩殺故紀伯姬叔

姬卒皆不日與內大夫同義

夏齊侯陳侯鄭伯遇于垂突尚居于櫟而經正稱之為鄭伯者時子儀當國尤

不正不與成為君也

紀侯大去其國

大去者何滅也

大去者去不返之辭其君出奔而國為敵有也由齊言之則為滅由

紀言之則為大去春秋因其可諱而諱之解詁曰言大去者為襄公明義但當遷徙去之不當取而有明亂義也孰滅之齊滅之曷為不言齊滅之為襄公

諱也春秋為賢者諱何賢乎襄公復讐也

襄公他事不足

賢獨復讐之心有取焉故為之諱惡以成其善俗儒疑於襄公利紀不得為賢此未明諱之所設也假令襄公不貪土地醇乎令德更復何諱唯賢其復讐而又病其利紀是以存其可法沒其不可法而假以為何讐爾遠祖也哀公亨乎周紀侯諧之後世法耳

解詁曰亨煮而殺之謹案齊詩譜曰太公後五世哀公政衰荒淫怠慢紀侯諧之于周懿王使烹焉

晉義古文烹亨皆止為亨字

以襄公之為此焉者事祖禰之



心盡矣盡者何襄公將復讐乎紀卜之曰師喪分

焉寡人死之不為不吉也

此皆命卜之詞言苟得滅紀雖師喪君死猶以

為吉若長岸之戰楚司馬子魚令龜曰魴也以其

屬死之楚師繼之尚大克之吉其意同也解詁曰

分半也師遠祖者幾世乎九世矣

歷胡公獻公武公厲公文公成

喪亡其半

公莊公僖公至襄公九世猶可以復讐乎雖百世可也

黃道周曰

九世而猶可況於三年之內

家亦可乎曰不可

解詁

曰家謂大夫家

國何以可國君一體也先君之恥猶今君

之恥也今君之恥猶先君之恥也國君何以為一

體國君以國為體諸侯世故國君為一體也

解詁曰雖

百世號猶稱齊侯謹案大夫士之義不得世故喪服傳曰父子一體也昆弟一體也禮所與使復讐

者亦唯父母之讐不與同生  
昆弟之讐不與聚國而已  
今紀無罪此非怒與

解詁曰怒遷怒齊人語也此  
非怒其先祖遷之於子孫與  
曰非也古者有明天

子則紀侯必誅必無紀者紀侯之不誅至今有紀

者猶無明天子也  
猶古通以爲由字  
古者諸侯必有會聚

之事相朝聘之道號辭必稱先君以相接  
號者玉幣之號

若秦伯使遂來聘曰不腆先君之敝器使下臣致諸執事辭者賓主之辭若聘禮曰不腆先君之祧

既拚以  
然則齊紀無說焉不可以並立乎天下故

將去紀侯者不得不去紀也  
解詁曰無說無悅懌也  
有明天

子則襄公得爲若行乎  
解詁曰若如也猶曰得爲如此行乎  
曰不得

也不得則襄公曷爲爲之上無天子下無方伯  
解詁

日有而無益  
緣恩疾者可也  
解詁曰  
於治日無  
疾痛也

六月乙丑齊侯葬紀伯姬

外夫人不書葬此何以書  
解詁曰  
據隱之也何隱  
節季姬也

爾其國亡矣徒葬於齊爾  
解詁曰  
國滅無臣子徒  
為齊侯所葬故痛而書

之明魯宜當閔傷臨之卒不日葬日  
者魯本宜葬之故移恩錄文於葬  
此復讐也曷

為葬之滅其可滅葬其可葬此其為可葬奈何復

讐者非將殺之逐之也以為雖遇紀侯之殯亦將

葬之也  
解詁曰  
以為者設事辭而言之稱齊侯者  
善葬伯姬得其宜也  
旨義非將殺之絕句

秋七月

冬公及齊人狩于郛

公曷為與微者狩齊侯也齊侯則其稱人何諱與

讐狩也

等諱不沒公言齊侯而必貶齊侯稱人者沒公則但有諱義人齊侯兼以惡齊也諸

侯以國為體雖据哀錄莊猶有讐襄公之心焉讐之則其言賢之何也賢其可賢貶其可貶以直報

怨春秋以之

前此者有事矣

解詁曰潮會齊師伐衛是也

後此者有

事矣

解詁曰師及齊師國盛是也

則曷為獨於此焉譏於讐者

將壹譏而已故擇其重者而譏焉莫重乎其與讐

狩也

從禽為樂與讐共之乃忌親之大者

於讐者則曷為將壹譏而

已讐者無時焉可與通通則為大譏不可勝譏故

將壹譏而已其餘從同同

解詁曰其餘輕者從義與重者同不復譏都與

無讐同文論之所以

省文達其異義矣

五年春王正月

夏夫人姜氏如齊師

戎事不遇女器目言如齊師惡甚矣

秋倪黎來來朝

倪者何小邾婁也小邾婁則曷為謂之倪未能以

其名通也

今為附庸則名倪其後受國則名小邾婁倪本邾婁顏之少子肥所封故謂之

小邾婁也未能以其名通者猶孟子言不達於天子黎來者何名也其名何

微國也

附庸名者方二十里

冬公會齊人宋人陳人蔡人伐衛

此伐衛何納朔也曷為不言納衛侯朔

解詁曰據納頓子于

頓言辟王也

絕正其義不使諸侯得立王之所廢穀梁傳曰是齊侯宋公也其曰人何

也人諸侯所以人公也其人公何也逆天王之命也今驗經例公會宋人齊人伐徐公會齊人宋人邾婁人救鄭皆以會大夫不致此下

有致足起四國實其君貶稱人矣

六年春王三月王人子突救衛

王人者何微者也其名則微子突者何貴也其實貴則

其稱人何解詁曰据王子瑕不稱人謹案穀梁傳曰稱名貴之廢疾以為稱子則非名也

尋此注意突仍是名何君繫諸人也本當稱王子突特繫人言

擇善而從故自異初說之曷為繫諸人王人耳言子突乃王人耳使若王不深助留但遣微者子突

無威重不能成功以為天子殺恥矣趙夏六月衛侯朔入于衛

衛侯朔何以名解詁曰据衛侯絕曷為絕之犯命

也

犯天子之命當絕賤不成爲諸侯故生名之

其言入何

据鄭衍或言歸或言復歸

篡辭也

篡衛侯爵也爵出奔周不書者尊王命所立也月者諸侯出奔還入國例

秋公至自伐衛

曷爲或言致會或言致伐得意致會

解詁曰所伐國服兵解國

安故不復錄兵所從來獨重其本會之時

不得意致伐

解詁曰所伐國不服兵將復用

國家有危故重錄所從來此謂公與二國以上也公與一國及獨出用兵得意不致不得意致伐

衛侯朔入于衛何以致伐

解詁曰据得意

不敢勝天子也

解詁曰與上辟王同義久不月者不與伐天子也故不爲危錄之

螟

冬齊人來歸衛寶

此衛寶也則齊人曷爲來歸之衛人歸之也衛人歸之則其稱齊人何讓乎我也其讓乎我奈何齊侯曰此非寡人之力魯侯之力也解詁曰時朔得齊侯推功歸魯使衛人持寶來主書者極惡魯犯命復貪利也寶者玉物之凡名謹案齊人來歸衛寶分惡於齊也成篡而後賂之辭也取郕大鼎于宋專惡於魯也賂而後成篡之辭

七年春夫人姜氏會齊侯于防

夏四月辛卯夜恒星不見夜中星實如雨

恒星者何列星也

解詁曰恒常也常以時列見

列星不見則何

以知夜之中星反也

解詁曰反者星復其位音義坂本脫則字

如雨者

何如雨者非雨也非雨則曷爲謂之如雨不脩春



秋曰雨星不及地尺而復

此魯史記文也徐彥曰

時已謂之春秋而舊解云孔子脩之

君子脩之曰

星賁如雨

解詁曰明其狀似雨雨不當言雨星不

曰自上而落謂之賁星霜皆賁而霜以著物然後

可知故先言賁後言霜星麗于天見賁則知之故

指言星賁一字先

何以書記異也董仲舒曰常星

後不妄有如此

何以書記異也

二十八宿者人

君之象也衆星萬民之類也列宿不見象諸侯微

也衆星賁墜民失其所也夜中者爲中國也不及

地而復象齊桓起而救存之也鄉無桓公星遂至

地中國其夏絕矣解詁曰周之四月夏之二月昏

參伐狼注之宿當見參伐主斬艾立義狼注主持

衡平也皆滅者法度廢絕威信陵遲之象時天子

微弱不能誅衛侯朔是後遂失其正諸侯背叛王

室日卑星賁未墜而夜中星反者房心見其虛危

升房心天子明堂布政之宮虛危齊分其後齊桓

行霸陽穀之會有王事謹案洪範曰庶民惟星漢

成帝永始二年二月癸未夜過中星實如雨長一  
二丈繹繹未至地滅至雞鳴止谷永以為星辰附  
離于天猶庶民附離王者也王者失道綱紀  
廢頓下將叛去故星叛天而隕以見其象

秋大水

莊公忌誓不孝  
于禰廟之罰

無麥苗

無苗則曷為先言無麥而後言無苗

据周正孟秋  
黍梁當登令

其無苗自  
春已見

一災不書待無麥然後書無苗

禮一穀  
不升謂

之歉二穀不升謂之饑三穀不升謂之饑四穀不  
升謂之康五穀不升謂之大侵歉則君膳徹鶉鷄  
饑則徹鳧雁饑則去雉兔康則損園獸至于大侵  
不祭肺不貳味馳道不除祭事不縣為之變有殺  
也春秋一穀不升則不書故曰饑曰何以書記災  
無麥苗曰大無麥禾曰大饑凡四等  
也洪範五行傳曰治官室飾臺榭內  
注亂犯親戚侮父兄則稼穡不成

冬夫人姜氏會齊侯于穀

八年春王正月師次于郎以俟陳人蔡人

次不言俟此其言俟何

解詁曰据次于郎俟屈完不書俟

託不得

已也

本與齊師約共圍盛而託言陳蔡將來侵伐不得已出師待之下竟不見陳蔡加兵之事

不嫌是實俟故得如其意書之深惡魯之陰謀積慮成於滅同姓

甲午祠兵

祠兵者何出曰祠兵

解詁曰禮兵不徒使故將出兵必祠於近郊陳兵習戰殺

牲饗士卒謹案祠兵師說以為祠五兵矛戟劍楯弓矢及始造兵者周禮祭表貉鄭司農曰於所立表之處為師祭造軍法者其神蓋蚩蚩或曰黃帝是也入曰振旅其禮一也

皆習戰也

解詁曰言與祠兵禮如一將出不嫌不習故以祠兵言之將入嫌於廢之故以

振訊士衆言之互相見也祠兵壯者在前何言乎

難在前振旅壯者在後復長幼且衛後也

祠兵爲久也

解詁曰爲久曷爲爲久吾將以甲午

之日然後祠兵於是

久俟齊師不至又遲其祠兵之日以深絕盛人之疑

夏師及齊師圍成成降于齊師

成者何盛也盛則曷爲謂之成諱滅同姓也

成者盛之

都邑本當言伐盛圍成諱之故但舉成不繫國也都而言滅者與滅夏陽同義文公之篇猶見盛伯知此時但成都未全滅盛矣解詁曰曷爲不言言及者起魯實欲滅之不月者順諱文

降吾師辟之也

魯待齊而後克成故得歸惡於齊因爲內避滅同姓之文然言二國

同圍則亦同受降可知此成即魯所取以爲孟孫采者也左氏順經作傳乃有脩德退師之語抑失

實事

秋師還

還者何善辭也此滅同姓何善爾

還者何善辭也者文十三年傳

文弟子援彼難此不當善而言還意

病之也

言非善之但

曰師病矣

文王之法師出不踰時春而祠兵秋而振旅君子以師爲病矣

言義少儀注引春秋傳師還曰疲今傳無曷爲病之非師之罪也

本當言公至自圍成緣諱滅同姓沒公不

此文舉公至而舉師還然滅同姓自公之過於師無罪故不得加不善辭也以善反曰還以不善反曰復

後出師久亦不錄還者皆從此始見法可知

冬十有一月癸未齊無知弑其君諸兒

解詁曰諸兒襄公也無知

公子夷仲年之子襄公從弟

九年春齊人殺無知

公及齊大夫盟于暨

公曷為與大夫盟

解詁曰據與高侯盟諱不言公

齊無君也然則

何以不名

解詁曰據高侯名

為其諱與大夫盟也使若衆

然

解詁曰鄰國之臣猶吾臣也君之於臣當告從命行而反歆血約誓故諱使若悉得齊諸大夫

約束之者愈也謹案是盟約納糾也不片者明齊大夫不背盟小白以力得先入耳凡公與大夫會盟例不致

夏公伐齊納糾

納者何入辭也

使之入之辭也

其言伐之何

據竟入不舉伐納頓子于

頓之類是也

伐而言納者猶不能納也

伐下納者目所為伐事耳與入

辭異不言弗克納者別糾者何公子糾也何以不於納不正者也納例時

稱公子君前臣名也

去公子者著糾之已臣於魯也禮公子無去國道仕於他

國則不得更稱公子公子云者吾公之子也非可相假假令齊侯之子而稱公子於魯則且嫌為魯公子故糾為魯臣即無稱公子之道也糾既來臣雖方納之猶當為臣禮下經取子糾文承齊人乃無君前之義是以得舉貴稱矣

齊小白入于齊

曷為以國氏當國也

小白不當立故書法與齊無知同

其言入何

徐彥曰据蔡季自篡辭也

何氏之例大國篡例月陳歸于蔡不言入小國時又納亦為篡皆

誤也子糾正小白不正而一言納一言入不當同為篡若納不月起非實篡又不當入亦不月春秋要自論正不正豈分別大小國乎故今不取

秋七月丁酉葬齊襄公

八月庚申及齊師戰于乾時我師敗績

內不言敗此其言敗何

解話曰掘郎之戰

伐敗也

伐誇也雖敗猶

可誇不若常敗有恥當諱

曷為伐敗復讐也

解話曰復讐以死敗為榮故錄之謹

案復讐者雖不愛其死要期於有成豈以敗為榮乎特魯之不能讐齊力實不敵故春秋因其敗而誇大之若曰幸有此敗莊之忘讐乃可以自解云爾諸侯以國為體先君之讐雖百世不可通然苟竭其志力師喪分焉卒不得報君子亦恕之矣齊魯皆非能誠復讐者而假襄公以見復讐之善又假莊公以寬不能復讐之責此復讐乎大國曷為皆所以因事託義著為後法

使微者

掘不出主名似內微者文

公也公則曷為不言公不與

公復讐也曷為不與公復讐復讐者在下也

下猶後也

義如下武維周之下本讐襄公而復之於桓公故言復讐者在其後世也時實以不能納子糾怒齊



而託名復讐伐之桓又非讐子故不與公復讐也  
令實復讐方善錄之不當沒公沒公者起非實復  
讐不致者已沒  
公不得言公至

### 九月齊人取子糾殺之

其取之何

解詁曰据楚人殺陳夏徵舒不言取執齊慶封殺之言執也

內辭也

脅我使我殺之也

解詁曰時小白得國與鮑叔牙圖國政故鮑叔薦管仲召忽曰

使彼國得賢己國之患也乃脅魯使殺子糾求管仲召忽魯惶恐殺子糾歸管仲召忽死之故深諱使苦齊自取殺之  
其稱子糾何 据納糾 貴也其貴奈何宜

爲君者也

解詁曰故以君薨稱子某言之者著其宜爲君月者從未踰年君例謹案公子

糾乃襄公之弟桓公之兄時襄無嫡嗣貴莫如糾也齊世家曰襄公殺誅數不當羣弟恐禍及故次弟糾奔魯次弟小白奔莒莊子曰小白殺兄入嫂荀子曰齊桓五伯之盛者也前事則殺兄而爭國

檢尋諸文並是糾長故次宜為君乃或專據薄昭  
詭詞以為桓兄糾弟謬矣又如所徵史記參之管  
子大匡曰齊僖公生公子諸兒公子糾公子小白  
左傳曰齊桓衛姬之子也有寵於僖明糾與小白  
皆僖公子非襄公子魯納所當立  
耳廢疾責其親納警子恐非經意

### 冬浚洙

洙者何水也浚之者何深之也曷為深之畏齊也

解詁曰洙在魯北齊所由來

曷為畏齊也辭殺子糾也

魯自知殺子糾

不義而以畏齊為辭故浚洙以飾成畏齊之狀其實長勺之役我能敗之則亦何至以干乘之國而不能庇一子糾哉春秋書其辭殺子糾之迹護內深矣

十年春王正月公敗齊師于長勺

二月公侵宋

曷為或言侵或言伐楠者曰侵精者曰伐

解詰曰楠解也

將兵至境以過侵責之服則引兵而去用意尚精猶精密也侵責之不服推兵入竟伐擊之益深用意稍精密謹案周官九伐之法負固不服則侵之賊賢害民則伐之明侵伐皆王者之師堂堂正正之名而左氏以輕師偃鐘鼓為侵者失矣伐者深入其境侵者害淺故春秋之義侵善於伐侵伐例皆時唯內書公侵戰不言伐  
解詰曰舉戰為圍者恒舉月蓋善錄之戰不言伐  
解詰曰舉戰為圍

不言戰

楚子圍鄭是也

入不言圍

舉入為重入其郭是也

滅不言入

解詰曰舉滅為重齊滅萊是也

書其重者也

輕者包

### 三月宋人遷宿

遷之者何不通也以地還之也

解詰曰還繞也子

沈子曰不通者蓋因而臣之也

因而臣之者因取以爲宋附庸也所

遷之地四面還繞皆宋邑不得外通雖未絕世與  
奪國同九伐有犯令陵政則杜之鄭司農曰杜塞  
使不得與鄰國交通此  
近是與遷之者例月

夏六月齊師宋師次于郎公敗宋師于乘丘

其言次于郎何伐也

解詁曰時伐魯故書次

伐則其言次何

齊與伐而不與戰故言伐也我能敗之故言次也

二國伐一國戰須分別之故不得從戰不言伐例也然又不直舉伐者郎者吾近邑與四鄰異不可言伐須為變文也我能敗之故先言次後言敗對桓十年來戰于郎為我不能敗之故也左傳曰齊師宋師次于郎公子偃曰宋師不整可敗也自雩門竊出蒙皐比而先犯之公從之大敗宋師于乘邱齊師乃還此詐戰不日之證

秋九月荆敗蔡師于莘以蔡侯獻舞歸

荆者何州名也

漢南曰荆州以州舉者略之若言荆州之蠻云爾不詳別其國部意

也所傳聞之世方內其國而外諸夏蠻夷猶未及錄故深略之至所聞之世內諸夏而外夷狄荆始進稱楚其吳初通上國已在成州不若國國不若公之末故始見即得以國書矣

氏氏不若人人不若名名不若字字不若子

徐彥曰言

荆不如言楚言楚不如言潞氏甲氏言潞氏不如言楚人言楚人不如言介葛盧言介葛盧不如言邾婁儀父言邾婁儀父不如言楚子吳子謹案此七等所以進退四夷細陟小國極於子者禮所謂東夷北狄西戎南蠻雖大日子之義也是春秋所託王者法也蔡侯獻舞何以名

解詁曰掘獲晉侯不名絕曷為絕之獲也

解詁曰獲得也戰而為敵所得獻舞

不言獲故名以起之曷為不言其獲

掘戰而降者乃言以歸

不與夷狄之獲中國也

解詁曰與凡伯同義謹案以歸雖亡國之辭然尚無

大賤義書序曰  
以箕子歸是也

冬十月齊師滅譚譚子奔莒

何以不言出

解詁曰據衛侯出奔也

國已滅矣無所出也

解詁

曰別於有國出奔者孔子曰君子於其言無所苟而已矣謹案諸侯卒名失地名所聞世以前略小國卒或不名故其失地亦恒不名譚子奔莒弦子奔黃溫子奔衛是也至所見之世款章羽等乃名滅例

十有一年春王正月

夏五月戊寅公敗宋師于鄆

秋宋大水

何以書記災也外災不書此何以書及我也

不舉內為

重者錄災所由生道其本也知非為王者之後記  
災者所傳聞之世方外諸夏雖王者之後猶未得  
記故知仍以及內錄爾左氏說外災据告書者但  
魯史之體如是非春秋新意也就以其傳駁之隱  
七年京師來告  
饑不書何耶

### 冬王姬歸于齊

何以書過我也

解詁曰時王者嫁女于齊塗過魯  
明當有送迎之禮在塗不稱婦者

王者無外故從在國辭謹案前王姬歸月此同  
外女歸例不月者但以過我書我不為主故也

### 十有二年春王三月紀叔姬歸于鄒

其言歸于鄒何

解詁曰据國滅來歸不  
書鄒非紀國而言歸隱之也何

隱爾其國亡矣徒歸于叔爾也

解詁曰叔者紀季  
也婦人謂夫之弟

為叔來歸不書書歸鄒者痛其國滅無所歸也鄒  
不繫齊者時齊聽後五廟故國之起有五廟存也

月者恩錄之家鉉翁曰夫死無子而終於父母家者非正也終於夫家正也

夏四月

秋八月甲午宋萬弑其君接及其大夫仇牧

及者何累也弑君多矣舍此無累者乎孔父荀息皆累也舍孔父荀息無累者乎曰有有則此何以

書賢也何賢乎仇牧仇牧可謂不畏彊禦矣

彊禦猶言

勅敵其不畏彊禦奈何萬嘗與莊公戰獲乎莊公

左傳

曰乘邱之役公以金僕姑射南宮長萬公右欲孫生搏之獲不書者非軍將

莊公歸散

舍諸宮中數月然後歸之歸反爲大夫于宋

散元也舍

止也反復也本爲大夫歸而復其位

與閔公博婦人皆在側萬曰甚



矣魯侯之淑魯侯之美也天下諸侯宜為君者唯

魯侯爾

解詁曰淑善美好也萬見婦人皆在側故評閔公以此言言閔公不如魯侯善好

閔公矜此婦人

解詁曰色自美大於此婦人

妒其言顧曰此虜

也

解詁曰顧謂側婦人

爾虜焉故

解詁曰更向萬曰女嘗執虜於魯侯故稱譽耳

魯

侯之美惡乎至

解詁曰惡乎至猶何所至謹案董生讀此傳故字作知爾虜絕句焉

知魯侯之美惡乎絕句至屬下萬怒為句文萬怒義較長音義惡依何義音鳥依繁露義如字

搏閔公絕其脰

解詁曰脰脰也齊人語

仇牧聞君弑趨而至

遇之于門手劒而叱之萬臂撥仇牧碎其首

手持劒

劒也叱之叱萬也臂撥者以臂撥而殺之

齒著乎門闔

解詁曰闔扇

仇牧可

謂不畏彊禦矣

解詁曰猶乳犬攫虎伏雞搏狸精誠之至也劉敞曰仇牧之智則未

仇牧之忠則盡矣疾其疾而忘其力憂其憂而忘其生也謹案左傳曰遇仇牧于門批而殺之遇太宰督于東宮之西又殺之督本弒君賊故不書是亦傳所謂累死而不得賢者也杜預安云殺督不書宋不以告苟如是則君子之筆削安在哉

冬十月宋萬出奔陳

月者譏緩討逸賊與州吁同義左傳云宋人請萬于陳而醢之

春秋不書討賊葬閔公者蓋既葬乃得殺萬以討賊晚故不錄也猶慶父奔莒踰年縊死經亦不錄慶父之誅閔公之葬

十有三年春齊侯宋人陳人蔡人邾婁人會于北杏

解詁曰齊桓行霸約束諸侯尊天子故為此會也桓公時未為諸侯所信卿故使微者會也桓公不辭微者欲以卑下諸侯遂成霸功也

夏六月齊人滅遂

解詁曰不會北杏故也不諱者桓公行霸不任文德而尚武力又功

未足以除惡

秋七月

冬公會齊侯盟于柯

何以不日

當言不月而難其日者方欲通解桓盟不日爲信以下諸盟或時或月故但舉

不日以包也

易也

解詁曰易猶倂易也相親信無後患之辭

其易奈何桓之

盟不日其會不致信之也其不日何以始乎此莊

公將會乎桓曹子進曰君之意何如

曹子名沐莊一曰曹劌

公曰寡人之生則不若死矣

解詁曰自傷與齊爲讐不能復也伐齊納

糾不能納反復爲齊所脅而殺之

曹子曰然則君請當其君臣請

當其臣

解詁曰當猶敵也將劫之辭

莊公曰諾於是會乎桓莊

公升壇

解詁曰土基三尺土階三等曰壇會必有壇者為升降揖讓稱先君以相接所以長

其曹子手劍而從之

解詁曰從隨也隨莊公上壇造桓公前而脅之曹子本謀

敬當其臣更當其君者

管子進曰君何求乎曹子曰

見莊有不能之色

史記曹沫曰齊強魯弱而大國侵魯亦以甚矣今魯城壞

即壓齊境

管子曰然則君將何求曹子曰願請汝

陽之田

齊所侵取汶北之田

管子顧曰君許諾

解詁曰諸侯死國不死邑

故可

桓公曰諾曹子請盟桓公下與之盟

壇上本兩君會

許諾盟之所故桓公更

已盟曹子標劍而去之

解詁曰標辟也

時曹子端劍守桓公已盟乃標劍置地與桓公相去離齊召南曰太史公依公羊說為刺客列傳後

人疑此事但荀子大儒其王制篇曰桓公劫于魯莊則此說之傳久矣

要盟可犯而

桓公不欺曹子可讐而桓公不怨

解詁曰臣約其君曰要強見要

脅而盟爾故云可犯

桓公之信著乎天下自柯之盟始焉

解詁

曰諸侯猶是翕然信鄉服從再會于鄆同盟于幽遂成霸功故云爾

十有四年春齊人陳人曹人伐宋

夏單伯會伐宋

其言會伐宋何

解詁曰据伐國不殊會

後會也

解詁曰本期而後故但舉

會書者刺其不信因以分別功惡有深淺也從義兵而後者功薄從不義兵而後者惡淺

秋七月荆入蔡

冬單伯會齊侯宋公衛侯鄭伯于鄆

左傳曰宋服故也

十有五年春齊侯宋公陳侯衛侯鄭伯會于鄆

夏夫人姜氏如齊

秋宋人齊人邾婁人伐倪

宋序上者諸侯爲宋伐倪故宋主之音義倪舊作兒

與五年經文倪字不同今改

鄭人侵宋

冬十月

十有六年春王正月

夏宋人齊人衛人伐鄭

爲宋報鄭之侵也故宋復序上

秋荆伐鄭

冬十有二月會齊侯宋公陳侯衛侯鄭伯許男曹伯

滑伯滕子同盟于幽

音義左氏穀梁經皆如此唯今公羊經云公會按十九年注鄭

幽之會公皆不至疏曰十六年冬會齊侯宋公以  
下同盟于幽經不言公會故知魯侯不至矣然則  
公羊本亦無公字  
今文誤衍謹刪

同盟者何同欲也

解詁曰同心欲盟也同心為善  
善必成同心為惡惡必成故重

而言同盟也杜元凱曰書會  
魯會之不書其人微者也

邾婁子克卒

即儀父也小國錄卒者足  
褒文不葬者起實小國也

十有七年春齊人執鄭瞻

鄭瞻者何鄭之微者也

解詁曰以無氏也

此鄭之微者何

言乎齊人執之書甚倭也

為魯將受倭人故書其  
執穀梁傳曰卑者不志

此其志何也以其逃來志之也逃來則何志焉將  
有其末不得不錄其末也鄭瞻鄭之倭人也與此  
傳意同知非為齊執甚倭書者齊若以其倭執之  
當得為伯討今齊稱人則欲不當罪或正如左氏

所說怒鄭  
不朝故耳

### 夏齊人讖于遂

讖者何讖積也

解詁曰讖者死文讖之爲死積死非一之辭

衆殺戍者

也

左傳曰齊人滅遂而戍之遂因氏鴆氏工婁氏須遂氏饗齊戍醉而殺之齊人讖焉解詁曰齊

戍之非也遂不當坐故使齊爲自積死文也稱人者衆辭也

### 秋鄭瞻自齊逃來

何以書書甚佞也曰佞人來矣佞人來矣

解詁曰重言來

者道經主書者若傳云爾蓋痛魯知而受之信其計策以取齊注女丹楹刻桷卒爲後敗也謹案鄭略之事傳無明文何注每有此類疏輒以爲出春秋說然若龍門之戰僖之取楚女緯候未與董仲舒已言之漢藝文志又有公羊外傳五十篇今亦未見云云之說疑皆公羊師學相承未敢以意去



取

冬多麋

何以書記異也

解詁曰言多者以多為異也謹案京氏易傳曰棄正作淫為火不明

國多麋

十有八年春王三月日有食之

不日者食于晦也晦則不言日者是月更

無餘日故舉月以包也五行志曰董仲舒以為宿在東壁魯象也後公子慶父叔牙果通於夫人以

公切

夏公追戎于濟西

此未有言伐者其言追何

解詁曰揚公追齊師至舊舉齊侵也晉義開成

石經云此未有伐者無言字

大其為中國追也此未有伐中國

者則其言爲中國追何大其未至而豫禦之也追

也蓋濟西之國逼近戎患公緣是興師逐之故善其未至而豫爲中國追也其後曹君卒死於戎難董仲舒曰舊傳無大之之辭兵已加焉乃從救之則弗美未至豫備之則美之善其救害之先也夫救早而先之則害無由起而天下無害矣然則觀物之動而先覺其萌絕亂塞害于將然而未行之時春秋之志也故救害而先知之明也公之所恤遠而春秋美之詳其美恤遠之意則天地之閒然後快其仁矣是以知明先而仁厚遠遠而愈賢近而愈不肖者愛也故王者愛及四夷霸者愛及諸侯安者愛及封內危者愛及旁側亡者愛及獨身其言于濟西何大之也自濟以西不限所至之辭故爲大也此與天王狩于河陽穀梁傳謂以河陽言之大天子也者同意

解詁曰追例時

秋有域

何以書記異也

解詁曰言有者以有爲異也徐彥

故也謹案洪範五行傳曰皇之不極是謂不建厥咎眚厥罰恒陰時則有射妖劉向以爲域猶惑也在水旁能射人射人有處甚者至死南方謂之短弧近射妖死之象也時莊公將取齊之淫女故至域

冬十月

十有九年春王正月

夏四月

秋公子結媵陳人之婦于鄆遂及齊侯宋公盟

音義婦絕

句于鄆絕句

媵者何諸侯娶一國則二國往媵之以姪娣從姪

者何兄之子也娣者何弟也諸侯壹聘九女諸侯

不再娶

解詁曰言往媵之者禮君不求媵二國自往媵夫人所以一夫人之尊必以姪娣從

之者欲使一人有子二人喜也所以防嫉妒令重繼嗣也因以備尊尊親親也九者極陽數也不再

娶者所以節人情開媵路謹宗媵送也送致其女也穀梁傳曰姪娣者不孤子之意也一人有子三

人緩帶禮婦人無子當去諸侯夫人雖無子媵有子嫡得不去重黜尊也易曰得妾以其子此之謂

也白虎通義曰天子諸侯一娶九女何重國廣繼嗣法地有九州承天之施無所不生也娶九女亦

足以承君施也九而無子百亦無益也王度記曰天子一娶九女或曰天子娶十二女法天有十二

月不娶兩娣何博異氣也娶三國女何廣異類也恐一國血脈相似俱無子也二國來媵誰為尊者

大國為尊國等以德質家法天尊左文家法地尊右所以不聘妾何人有子孫欲尊之義不可求人

以為賤也天子諸侯之子皆以諸侯禮娶與君同示無再娶之義也音義弟也白虎通引作女弟

也勝不書此何以書為其有遂事書

為下張本文也穀梁傳曰

其曰陳人之婦畧之也

大夫無遂事此其言遂何聘禮大夫

受命不受辭

爾謹案古之為大夫者祭祀能語喪

紀能誅升高能賦作器能銘山川能說師旅能誓田能施命貞能命龜使能造命能是九者可謂有德音矣是故聘禮受命不受辭辭無常遂出竟有而說使於四方不能專對不可以為大夫

可以安社稷利國家者則專之可也

解詁曰先是

皆不至公子結出境遭齊宋欲深謀伐魯故專矯君命而與之盟除國家之難全百姓之命故善而詳錄之先書地後書盟者明出境乃得專之也冬齊人宋人陳人伐我西鄙而盟不日者起國家後背結之約非結不信也謹案鄆者盟地非致勝地也木送女如陳行及于鄆值齊宋約盟而結與焉猶曰鄆子會盟于邾婁已西邾婁人執鄆子用之會盟者會曹南之盟非盟于邾婁也于邾婁者起

下事言行及于邾莒而見執也此二經文同今皆失其讀董仲舒曰春秋之法大夫無遂事又曰出境有可以安社稷利國家者則專之可也又曰大夫以君命出進退在大夫也又曰聞喪徐行而不反四者各有所處得其處則皆是也失其處則皆非也春秋固有常義又有應變無遂事者謂平生安寧也專之可也者謂救危除患也進退在大夫者謂將率用兵也徐行不反者謂不以親害尊不以私妨公也故公子結受命往媵陳人之婦于鄆道生事從齊桓盟春秋弗非公子遂受命使京師道生事之晉春秋非之有危而不專救謂之不忠無危而擅生事是卑君也故此二臣俱生事春秋有是有非其義然也廣森謂結不書卒則未命為卿本不當氏氏公子者蓋善其遂事褒錄之

### 夫人姜氏如莒

冬齊人宋人陳人伐我西鄙

解詁曰鄙者邊垂之辭

二十年春王二月夫人姜氏如莒

解詁曰月者再出也不從四年已月

者異國

# 夏齊大災

大災者何大瘠也

解詁曰瘠病也齊人語也以加大知非火災也謹案經例大者

曰災小者曰火言災則大已見不煩更有大文故得起非火災也瘠讀若蘇林音國無捐瘠之瘠曲禮注引此傳字直為漬呂氏春秋曰仲父大瘠者之病矣漬甚高誘亦以此傳大漬說之

何痢也

解詁曰痢者民疾疫也

何以書記災也外災不書此

何以書及我也

解詁曰痢者邪亂之氣所生是時魯任鄭瞻夫人如莒淫泆齊侯亦

淫諸姑姊妹不嫁者七人謹案疫氣自齊漸染及魯道災所由生故不舉我為重齊災恒不書今獨見書則及我之意自見

# 秋七月

冬齊人伐戎

二十有一年春王正月

夏五月辛酉鄭伯突卒

秋七月戊戌夫人姜氏薨

冬十有二月葬鄭厲公

解詁曰春秋寡明者書葬

二十有二年春王正月肆大省

肆者何跌也大省者何災省也

穀梁傳曰肆失也跌亦失意省左氏

經爲書古通用字洪範王省唯歲宋世家亦作書

災省者罪也書曰省災肆赦此之謂也肆大省者

言放失大罪也王者順三微之氣恒以建子之月

赦宥罪過於易冬至卦氣爲中孚其象曰君子以

議獄緩死然則周正正月正肆省之時也肆大省

何氏所云哭辟子卯尋省傳義了不相涉



何以書譏何譏爾譏始忌省也

忌諱也諱言國有大罪人故一切肆

之蓋慕刑措之名失勝殘之實自是君廢其威魯遂積弱

癸丑葬我小君文姜

文姜者何莊公之母也

解詁曰言小君者此於君為小俱臣子辭也文者諡

也夫人以姓配諡欲使終不忘本也謹案春秋之初下成康未遠諸侯夫人猶從君之諡衛有莊姜宣姜鄭有武姜是也非正嫡則無諡仲子是也魯自文姜以後不別適庶皆各自為諡定公之姜嬖氏不當體君乃反稱定嬖此末世黷亂作之不應禮法

陳人殺其公子禦寇

解詁曰書者殺君之子重也謹案陳世家曰宣公有嬖姬生子

欽欲立之乃殺其太子禦寇經不言世子者蓋雖貴宜為太子非適長又未誓也稱人以殺者歸惡於欽也言欽之志在乎構殺其兄而代之也後欽卒不日亦為篡未明故與此事相起

夏五月

月下亦舊有所繫之事而為內大惡當諱者  
趙汭曰夏五月非首月蓋夫子既削其事因

留其時月以備一時見  
魯史於此本非有闕也

秋七月丙申及齊高侯盟于防

齊高侯者何貴大夫也

等諱必沒公言高侯不貶  
言公及齊人者以其貴須

見名氏也左傳曰有天子之二守國高在謂侯及  
國歸父之父也言雖貴如高侯猶不得敵諸侯然  
後君臣之分益正與處父異者侯大國之卿命于  
天子本當言高仲今言高侯即是抑之陽處父本  
當言名氏故更貶去  
氏其為降一等也同  
曷為就吾微者而盟  
据及宋  
人盟于

宿為內微者也及我欲  
之而言就者据防內地  
公也公則曷為不言公諱

與大夫盟也

于暨言公及齊大夫于防沒公者無  
君而盟大夫猶可言也有君而盟大

夫公卑矣是以諱之也諸來聘  
而盟者皆不言公及同此意也

冬公如齊納幣

納幣不書此何以書

解詁曰据桓三年公子譏何

譏爾親納幣非禮也

不主言譏喪娶者親納幣失之小者也三年之內圖婚失

之大者也小者猶譏大者可知解詁曰納幣即納

徵納徵禮曰主人受幣士受儼皮是也禮言納徵

春秋言納幣者春秋質也謹案幣者

六幣之通名諸侯聘女以大璋皮帛

二十有三年春公至自齊

桓之盟不日其會不致信之也此之桓國何以致

盟于柯下師有成

危之也何危爾公一陳佗也

解詁

解故据彼難此

曰公如齊淫與陳佗相似如一也謹案僖公再之桓國皆不致莊公則致故得起有危義其他公如

齊如晉如楚悉致

者自是常例耳

祭叔來聘

祭裳內之采也叔其君也自同於外諸侯使其私人來聘春秋不錄其使略之與荆

人來聘同文蓋以爲人臣者聘弓錐矢不出竟場束脩之饋不行于竟中其聘非禮也穀梁傳言不正其外交故不與使是也鄭司農以爲祭叔無王命自來既無王命卽非爲王聘若其自爲聘則無君親行聘之禮徐邈以爲祭叔爲祭公使聘既失禮又不當貴其使得稱字愚謂祭叔卽祭公也爲三公則稱公不爲三公則不稱公

夏公如齊觀社

何以書譏何譏爾諸侯越竟觀社非禮也

穀梁傳曰以是

爲尸女也惠士奇曰尸女者主爲女而往陳佗淫乎蔡莊公淫乎齊墨子曰燕有祖齊有社宋有桑林楚有雲夢此男女之所屬而觀也

觀社者志不在社也志在女而已

公至自齊

危致例月此之桓國而致危義已見故不復月

荆人來聘

荆何以稱人

解詁曰据上稱州

始能聘也

解詁曰明夷狄能慕王化修聘

禮受正朔者當遙之故使稱人也稱人當繫國而繫荆者許夷狄者不一而足

公及齊侯遇于穀

蕭叔朝公

其言朝公何

据常辭言來朝

公在外也

公在穀而蕭君以朝禮見也附庸方

三十里者字

秋丹桓宮楹

何以書譏何譏爾丹桓宮楹非禮也

穀梁傳曰禮天子諸侯勳

聖大夫倉士黈丹楹非禮也解詁曰楹杜也丹之者為將娶齊女欲以誇大示之

冬十有一月曹伯射姑卒

曹鄭皆同姓之伯然唯終生始見得錄卒葬與鄭同

射姑以後遂月卒時葬遠於春秋者蓋貶之也春秋雖亡國數十率以弱小不能自存唯曹列於成國而當春秋之中先見覆滅傳曰國於天地有與立焉不數世淫弗能斃也曹其是矣莊有不子之惡其嗣僖公不用忠臣之諫死于戎寇昭公繼之好奢而任小人蜉蝣之刺始作共公繼之數侵取地乘軒者三百人其後負芻又最著有惡行故春秋一切略其卒葬言乎曹之君世濟其無道以至於亡也所以深惡曹而為有國者戒也俗儒輒以爲舊史無日春秋因之春秋采列國之史豈僅見魯史且魯史亦何憾於曹而獨世世闕其卒日哉終生遠而日存午露近而日闕抑又理所不然

十有二月甲寅公會齊侯盟于扈

桓之盟不日此何以日危之也何危爾我貳也

貳義

如傳瑕貳之貳言我事齊有貳心後有人降鄭師次子成是其驗也不從下幽之盟日者時有他國

嫌非獨我貳故於公專盟爲不信辭魯子曰我貳  
不言及言會者著我貳無汲汲之意

者非彼然我然也

我貳則不信在我非在彼也故日之於桓無損也

二十有四年春王三月刻桓宮桷

何以書譏何譏爾刻桓宮桷非禮也

穀梁傳曰天子之桷斲之

斲之加密石焉諸侯之桷斲之礱之大夫斲之士斲本刻桷非禮也此傳不直言丹楹刻桷非禮必全舉經句者本不當丹刻旣丹刻尤不當加侈廟推經譏舍兩義故特連桓宮言也解詁日月者功重於丹楹謹案春秋之法同事而再失禮則後事重錄之

葬曹莊公

夏公如齊逆女

何以書親迎禮也

白虎通義云外屬小功已上不得娶故春秋傳曰譏娶母黨也

今傳無此文似亦嚴顏二家之異春秋書娶者五桓宣皆娶于姜桓母子氏宣母熊氏文公娶乎大夫則非僖夫人之黨得譏母黨者莊成二公而已未知傳文本在何篇內逆女例月而此及僑如逆女不月容卽以娶母黨失正故略之與律禁姑之子舅之子相爲昏姻寔春秋之義也

秋公至自齊八月丁丑夫人姜氏入

其言入何

据當言公及夫人姜氏至自齊

難也其言曰何

解詁曰据夫人

姜氏至不曰

難也其難奈何夫人不僂不可使入與公

有所約然後入

解詁曰僂疾也齊人語約約遠勝妾也夫人稽留不肯疾順公不可

使卽入公至後與公約定八月丁丑乃入故爲難辭也夫人要公不爲大惡者事夫有四義雞鳴縱筭而朝君臣之禮也三年側隱父子之恩也圖安危可否兄弟之義也樞機之內寢席之上朋友之道不可純以君臣之義責之謹案僂俯也不僂者蓋不伏順於公之謂



戊寅大夫宗婦覲用幣

宗婦者何大夫之妻也

解詁曰大夫妻言宗婦者大夫為宗子者也族所以

有宗者為調族理親疎令昭穆親疎各得其序也故始統世世繼重者為大宗旁統者為小宗小宗無子則絕大宗無子則不絕重本也謹案宗婦猶言主婦杜范等以為同宗之婦非也左傳曰哀姜至公使宗婦覲明非大夫亦覲大夫宗婦者言大夫之宗婦耳穀梁傳云禮大夫不見夫人不言及不正其行婦道故列數之也則以大夫宗婦為二尋下傳止舉婦贄更不言大夫曷用是傳意與左氏同與穀梁異古人訓詁最精如喪服為大夫命婦者傳曰大夫者其男子之為大夫者也命婦者其婦人之為大夫妻者也大夫本無庸釋恐讀者惑於大夫命婦為一故兼釋之引彼證此即知此不兼釋者是以大

夫宗婦為一矣

覲者何見也用者何用者不宜

用也見用幣非禮也

見禮也用幣非禮也不言用幣覲言覲用幣者舉常事於

上著失然則曷用棗栗云乎股脩云乎解詁曰股脩者脯也

禮於下然則曷用棗栗云乎禮婦人見舅以棗栗為贄見姑以股脩為贄見夫

人至尊兼而用之云乎辭也棗栗取其早自謹敬

股脩取其斷斷自脩正執此者若其辭云爾所以

敘情配志也謹案肉切而乾之曰脯加薑桂鍛曰

股脩云乎者不質言之或棗栗也可

或股脩也可科取其一非必兼用

大水

丹刻楹桷以悅讐女遂乃頻歲災水簡宗廟之罰信矣汪克寬曰莊公取讐女又奢僭以誇示

之故有陰沴之應唐高宗立太宗才人武氏為昭儀而萬年宮夜大雨水幾溺其身天人相感之際

焉可誣也

冬戎侵曹

曹羈出奔陳

曹羈者何曹大夫也曹無大夫此何以書賢也春秋

之義小國無大夫無大夫者稱人不錄名氏也王制曰大國三卿皆命于天子次國三卿二卿命于天子一卿命于其君小國二卿皆命于其君春秋稟文王之法假天子之事小國之卿不命于天子故亦不得以名通于春秋唯來接我者然後書羈非接內而亦書者乃特見其賢也穀梁子曰曹莒皆無大夫其所以無大夫者其義異也是說必有所受顧未著其所以異也今謂莒實小國曹貶從小國本當與鄭同故手會何賢乎曹羈戎將侵曹仍得繫氏蓋與卒葬同意

曹羈諫曰戎眾以無義君請勿自敵也解詁曰戎師多又常

以無義為事禮兵敵則戰不敵則曹伯曰不可三守君師少不如守且使臣下往

諫不從遂去之故君子以為得君臣之義也解詁曰孔

子曰所謂大臣者以道事君不可則止此之謂也不從得去者仕為行道道不行義不可以素餐所以申賢者之志孤惡君也諫有五一曰諷諫孔子曰家不藏甲邑無百雉之城季氏自墮之是也二

曰順諫曹羈是也三曰直諫子家駒是也四曰爭諫子反請歸是也五曰慤諫百里子蹇叔子是也謹案韓非子曰夷吾束縛而曹羈奔陳伯里子道乞傳說轉鬻此羈爲賢大夫之證或曰卽僂負羈也杜預但驗經文與突歸于鄭鄭忽出奔衛相似遂以羈爲曹世子赤爲曹僖公僖公實名夷不名赤鄭忽曹羈雖同號實賤不嫌惠士奇曰鄭伯寤生卒世子在位未踰年故稱名曹伯射姑卒世子在位已踰年矣當書曹伯羈出奔陳不稱伯則曹羈非君也安可與鄭忽同例哉

### 赤歸于曹郭公

赤者何曹無赤者蓋郭公也郭公者何失地之君

也郭公名赤失地而寓于曹者也寓公稱公與州公同義不言奔者非國滅出亡亦非見迫逐不有其國棄之而去此與紀侯大去並奔之詭例據其國言之則曰大去據所之之國言之則曰歸也但郭公不當倒在下疑傳春秋者赤上字舊漫缺經師相承以爲郭公謙慎不敢補入正文故著之

於下耳郭有道碑曰其先出自有周王季之穆有  
號叔者寔有懿德文王咨焉建國命氏或謂之郭  
若然郭即號也公羊虞郭之郭左氏穀梁  
皆為號而此經三家同作郭公又所未曉

二十有五年春陳侯使女叔來聘解詁曰稱字者敬

人主孝而禮之孝經曰昔者明王之以孝治天下  
也不敢遺小國之臣是也謹案禮幼名冠字五十  
以伯仲女叔以氏配叔不稱且字知年在五十以  
上故師說云爾然傳實無明文穀梁則曰天子之  
命大夫也以單  
伯例之近是

夏五月癸丑衛侯朔卒不葬者本當絕  
故奪臣子辭

六月辛未朔日有食之鼓用牲于社

日食則曷為鼓用牲于社求乎陰之道也解詁曰  
求責求

也先言鼓後言用牲者明先以尊命責之後以臣  
子禮接之所以為順也書者善內感懼天災應變

得禮謹案五行志曰董仲舒以為宿以朱絲營社在畢主邊兵夷狄象也後狄滅邢衛

或曰脅之或曰為闇恐人犯之故營之解詁曰脅之與責求

同義社者土地之主也月者土地之精也上繫于天而犯日故鳴鼓而攻之脅其本也朱絲營之助陽抑陰也或曰為闇者社者土地之主尊也為日光盡天闇冥恐人犯歷之故營之然此說非也記或傳者示不欲絕異說爾謹案社有田主各以其土之所宜木營者禁其樹也周禮六祈一曰類二曰造三曰禴四曰禋五曰攻六曰說後鄭司農曰禋如日食以朱絲紫社攻如其鳴鼓然董仲舒救日食祝曰炤炤大明熾滅無光奈何以卑侵尊以陰侵陽是之謂說也造類禴禋皆有所牲攻說用幣已而

伯姬歸于杞

秋大水鼓用牲于社于門

其言于社于門何于社禮也于門非禮也

解詁曰不舉非

禮爲重者如去于社嫌于門禮也謹案時蓋以五祀秋祀門故因爲水禳焉然非禮典董仲舒曰大旱雩祭而請雨大水鳴鼓而攻社天地之所爲陰陽之所起也或請焉或怒焉者何大旱者陽滅陰也陽滅陰者尊卑卑也雖大甚拜請之而已無敢有加也大水者陰滅陽也陰滅陽者卑勝尊也日食亦然自下犯上以賤傷貴皆逆節也故鳴鼓而攻之朱絲而脅之爲其不義也故變天地之位正陰陽之序直行其道而不忌其難義之至也

冬公子友如陳

解詁曰如陳者聘也內朝聘言如者尊內也書者錄內所交接也謹案內

大夫如例時

二十有六年春公伐戎

音義石經監本並脫春字

夏公至自伐戎

曹殺其大夫

何以不名衆也

殺其大夫者駢誅徧戮之辭晉殺三卻猶名此以衆不名者小國大

夫本未得以名氏見今又

曷爲衆殺之不死于曹

君者也

解詁曰曹諸大夫與君俱敵戎戰曹伯爲戎所殺諸大夫不仗節死義獨退求生後

嗣子立而誅之春秋以爲得其罪故衆略之不名謹案曹君僖公也嗣子昭公也君殺大夫稱國傳例在僖七年春秋之義諸侯不得專殺大夫雖有罪猶以專殺書曹無大夫而記殺者專殺大夫之始故疾錄之外

君死乎位曰滅曷爲不言其滅

解詁

曰据胡

爲曹羈諱也此蓋戰也何以不言戰爲曹

羈諱也

解詁曰諱者上出奔嫌諱難欲起其賢又所諫者戰也故爲去戰滅之文所以致其

意也謹案戎殺曹君狄滅邢衛經皆無文明是不與戎狄得滅中國而傳別言爲曹羈桓公諱者



秋聖者之作一言時管數旨若此之類亦為存中國亦為顧賢者之意傳雖舉隅經自該蘊其不與夷狄之獲中國傳於獻舞下已有成解故於此略所易曉申其隱義焉者君子所賢也焉所為恥君子亦恥之焉所諱君子亦諱之

秋公會宋人齊人伐徐

桓之會不致其伐猶致致伐楚伐鄭是也此及二十八年

救鄭不致者自從公會大夫不致例

冬十有二月癸亥朔日有食之

五行志曰董仲舒以為宿在心心為明堂

文武之道廢中國不絕若綫之象也

二十有七年春公會杞伯姬于洮

解詁曰書者惡公教內女以非禮也

謹案伯姬即二十五年始嫁者言會者故辭蓋桓公女莊公妹也公會婦人前後未有此例良以失

禮略不致

夏六月公會齊侯宋公陳侯鄭伯同盟于幽

秋公子友如陳葬原仲

原仲者何陳大夫也

大夫汲稱字惠士奇曰原仲陳世卿詩所謂南方之原也

大夫不書葬此何以書

解詁曰据益師等皆不書葬

通季子之

私行也

直言如陳則嫌為國使故著其事曲禮曰大夫私行出疆必請反必有獻明禮得私

行是以通之也音義板本作通乎季子因下文而誤行從開成石經剛

何通乎季子

之私行辟內難也

解詁曰欲起其辟內難

君子辟內難而不

辟外難

解詁曰禮記曰門內之治恩揜義門外之治義揜恩

內難者何公子

慶父公子牙公子友皆莊公之母弟也公子慶父

公子牙通乎夫人以脅公

脅者交挾制之使公不得專行

季子起

而治之則不得與于國政坐而視之則親親時季

執國政其位與勢皆不得治之將子未因不忍見也故

於是復請至于陳而葬原仲也徐彥曰上二十五

今又請往故言復也廣森謂傳著請至于陳者明

有君命解經得言如意也公子友如陳葬原仲公

子遂如楚乞師文同不嫌者乞師事重知為國行

外大夫葬理無君使往會足通私行矣解詁曰不

嫌使乎大夫者有國文也

冬杞伯姬來

其言來何解詁曰直來曰來左傳云歸寧曰來

伯姬桓公之女桓公文姜俱已沒不當歸寧知主

譏直來書也直來有事無事例並時毛詩序曰泉

水衛女思歸也嫁於諸侯父母終思歸寧而不得

鄭司農說國君夫人父母在則歸寧沒則使大夫

寧於兄弟也何邵公謂諸侯夫人尊重非有大故  
不得反唯自大夫妻雖無事歲一歸宗與時義違  
大歸曰來歸解詁曰大歸者廢棄來歸也婦人有  
七棄五不娶三不去嘗更三年喪不  
去不念恩也賤娶貴不去不背德也有所受無所  
歸不去不窮窮也喪婦長女不娶無教戒也世有  
惡疾不娶棄於天也逆家有刑人不娶棄於人也亂  
家女不娶類不正也逆家女不娶廢人倫也無子  
棄絕世也淫泆棄亂類也不事舅姑棄悖德也口  
舌棄離親也盜竊棄反義也嫉妒棄亂家也惡疾  
棄不可奉  
宗廟也

### 莒慶來逆叔姬

莒慶者何莒大夫也莒無大夫此何以書譏何譏

爾大夫越竟逆女非禮也

大夫位隆任重不敢外  
交無與異國為姻媾之

理喪服齊衰三月經大夫在外其妻長子為舊國  
君傳曰妻言與民同也鄭司農以此傳說之言大

夫不外娶婦人歸宗往來猶民也若其士賤可得  
外娶故士昏禮曰異邦則贈丈夫送者以束錦假  
令爲士時先聘異國女後爲大夫而娶亦不得復  
行親迎爲出境將於政事有所捐贖故也逆叔姬  
不言逆女又不月叔姬不書歸皆略其文爲  
內女行于大夫之通例所以其適國君者  
杞伯來朝杞夏后氏之後周初封公未知何時降爵  
爲伯春秋因而不褒又不爲錄災異與宋  
比者亦將託新義爲後法有王者起  
當在所黜也禮曰尊賢不過二代

公會齊侯于城濮

二十有八年春王三月甲寅齊人伐衛衛人及齊人  
戰衛人敗績

伐不曰此何以日至之日也戰不言伐此其言伐

何至之日也

釋甲寅爲戰日也必舉伐于日  
下戰上者明師至之日卽戰也春秋

伐者為客

解詁曰伐人者為客讀伐長言之齊人語也

伐者為主

解詁曰見

伐者為主讀伐短言之齊人語也謹案長言者若今去聲短言者若今入聲也周官音義劉昌宗讀

伐為扶廢反是伐人之伐古皆去聲詩曰韋顧既伐昆吾夏桀短言之與桀為韻六弢曰日中必彗

執斧必伐長言之與彗為韻高誘注呂氏慎行論云闕讀近鴻緩氣言之彼亦謂鴻去聲也氣緩則

言長傳舉春秋者道經通例雖戰不言伐但舉戰孰序下即首兵者可知故使衛主之

也

解詁曰戰序上言及者為主

曷為使衛主之

解詁曰据朱襄公伐齊宋主齊

衛未有罪爾

繁露曰齊桓為幽之會衛人不來其明年桓公怒而大敗之

敗者

稱師衛何以不稱師

解詁曰据桓十三年己巳燕人戰敗績稱師也

未得

乎師也

方至遽戰則尚未深造衛地蓋邊鄙之人聚而拒敵非國起軍眾故不得成為師也

不地者至日便戰與結日地期者異是以不與偏戰常辭

夏四月丁未邾婁子瑣卒

春秋首褒邾婁故遂得常卒于所傳聞之世示與滕

薛尤加異焉克猶未日至此乃日者錄之以漸

秋荆伐鄭公會齊人宋人邾婁人救鄭

解詁曰書者善中國能相

救

冬築微

大無麥禾

冬既見無麥禾矣曷為先言築微而後言無麥禾

諱以凶年造邑也

解詁曰諱使若造邑而後無麥禾者惡愈也謹案大無麥禾內

淫亂之罰也王藻曰年不順成土功不興

臧孫辰告糴于齊

告糴者何請糴也

解詁曰買穀曰糴

何以不稱使

據內稱使文當

云臧孫辰如齊告糴

以爲臧孫辰之私行也

實爲國使春秋以其私行之辭

言曷爲以臧孫辰之私行君子之爲國也必有三

年之委一年不熟告糴譏也

穀梁傳曰國無九年之畜曰急無三年之畜曰國非其國也諸侯無粟

諸侯相歸粟正也臧孫辰告糴于齊告然後與之言內之無外交也古者稅什一豐年補敗不外求

而上下皆足也雖累凶年民弗病也一年不艾而

百姓飢君子非之不言如爲內諱也蓋以爲春秋

之文非徒見刺譏而已將使後之王者觀於告糴

之譏知未荒而備之有道觀於築微之譏知既荒

而救之有政觀於大無麥禾之記災又思所以飭

己勤民內無色荒外卑宮室崇節儉應是而水旱

不侵天道若於上農時不違人事盡於下豈有饑

饉薦臻

之患矣



二十有九年春新延廩

新延廩者何脩舊也

解詁曰延廩馬廩也舊故也舊故曰新有所增益曰作始

造曰築謹案三者例皆時

脩舊不書此何以書

解詁曰據新宮災後脩不書

譏何譏爾凶年不脩

穀梁傳曰古之人君者必時視民之所勤民勤於力則功

築罕民勤於財則貢賦少民勤於食則百事廢矣冬築微春新延廩以其用民力爲已悉矣

夏鄆人侵許

秋有蜚

何以書記異也

解詁曰蜚者臭惡之蟲也衆夫人有臭惡之行言有者南越盛暑所

生非中國之所有惠士奇曰蜮潛于水孽處于澤蜚生于盛暑後世多有之曷爲多麋有蜮有蜚亦書于策哉周禮與春秋皆先王經世大典先王盡人性以盡物性而其所以盡物性之官教擾而阜

審政攻而禮毒苟有一官之未備必有一物之爲災故堯舜命契爲司徒所以盡人性命益爲朕虞所以盡物性君子讀春秋見書冬多麋則知獸人之官廢矣見書秋螟冬螻八月蜩則知庶民翦氏之官廢矣見書鶴鳴來巢則知哲族氏庭氏之官廢矣蓋官失於朝故變生於野其官載于周禮其變著于春秋

冬十有二月紀叔姬卒

解詁曰國滅卒者從夫人行待之以初也謹案叔姬本媵

得錄卒與夫人同者伯姬卒其姊宜攝女君者也故白虎通義曰伯姬卒叔姬升于嫡經不譏也

城諸及防

何氏云言及別君臣之義此推莒牟夷以牟婁及防茲來奔傳言之彼特爲以邑奔

者或据其私邑或更竊公邑故漆問邱不言及防茲乃言及別見罪輕重耳不可通之於城凡城兩邑悉有及文豈必一君邑一臣邑乎賈逵曰言及先後之辭廣森取焉

三十年春王正月

夏師次于成

穀梁傳曰欲救邾而不能也

秋七月齊人降鄆

鄆者何紀之遺邑也降之者何取之也取之則曷

爲不言取之爲桓公諱也

解詁曰時霸功足以除惡故爲諱言降者能以

德見歸自來服者可也

外取邑不書此何以書盡也

解詁曰襄公服

紀已過而復盡取其邑惡其不仁之甚也月者重於取邑謹案紀之亡二十餘年矣而鄆猶孤存蓋其守邑大夫抗節未降若安陵不入于秦莒卽墨不下于燕者也桓公必將脅之以威屈其志而窮其力以取其土地故不曰鄆降于齊而曰齊人降鄆閔鄆而甚桓見乎辭矣是皆所謂諱其文不沒其實者也齊稱人者貶也雖不言取而斥齊人是時未有存亡繼絕之功與之未醇故諱不若滅項之深也

八月癸亥葬紀叔姬

外夫人不書葬此何以書隱之也何隱爾其國亡

矣徒葬乎叔爾

穀梁傳曰不日卒而葬閔紀之公也

九月庚午朔日有食之鼓用牲于社

解詁曰是後魯比弑二君狄滅

刑衛

冬公及齊侯遇于魯濟

魯濟濟水之上杜元凱以為濟水歷齊魯界在魯者為魯

濟是也斥言魯者名山大澤天子不以封故謂之魯濟可謂之我濟則不可

齊人伐山戎

此齊侯也其稱人何

解詁曰據下言貶曷為貶解齊侯來獻戎捷

日據齊侯伐北戎不貶

子司馬子曰蓋以操之為已蹙矣

解詁

曰操迫也已甚也感痛也迫殺之甚痛胡康侯曰  
北戎病燕職貢不至桓公內無因國外無從諸侯  
越千里之險為燕辟地可謂能脩方伯連帥之職  
何以譏之乎桓不務德勤兵遠伐不正王法以譏  
其罪則將開後世之君勞中國而事外夷捨近政  
而貴遠略困吾民之力爭不毛之地其患有不可  
勝言者故特貶而稱人以為好武功而不脩文德  
者之戒也然則伐楚之役何以美之其謂退師召  
陵責以大義不務交兵而強楚自服乎觀此  
可以見聖人強本治內柔服遠人之意矣 此蓋

戰也何以不言戰解詁曰据春秋敵者言戰桓公

之與戎狄驅之爾言以桓公臨戎直驅除之而已

三十有一年春築臺于郎

何以書譏何譏爾臨民之所漱浣也解詁曰無垢

垢曰浣齊人語也譏者為漬下也禮天子外屏諸  
侯內屏大夫帷士簾所以防泄慢之漸也登高遠

望人情所樂動而無益於民者雖樂不爲也四方  
而高曰臺謹案十年宋師次于郎左傳言自零門  
出敗之明郎在南門之外其地有達泉臺下臨  
水泉臺所由名也鄭司農說手洗爲漱足爲浣  
夏四月薛伯卒卽隱之篇來朝所稱薛侯者伯其本  
爵也所傳聞之世未卒小國而卒之  
則加錄已明故不復褒也克卒名而不日宿男日  
而不名於滕薛不日又不名者來親隱緩恩殺  
築臺于薛

何以書譏何譏爾遠也

解詁曰禮諸侯之觀不過  
郊謹案五經異義曰公羊

說天子有三臺靈臺以觀天文時臺以觀四時施  
化囿臺以觀鳥獸魚鱉諸侯卑不得觀天文無靈  
臺但有時臺囿臺皆在國之東南二十五里東南  
少陽用事萬物著見用二十五里者吉行五十里  
朝行暮  
返也

六月齊侯來獻戎捷

齊大國也曷爲親來獻戎捷威我也

解詁曰以威恐怖魯也

其威我奈何旗獲而過我也

解詁曰旗軍幟名各有色與金鼓俱舉使

士卒望而爲陣者旗獲建旗縣所獲得以過魯也戰所獲物曰捷謹案實威我而言來獻戎捷尊內文也楚獻捷時此月者異其例起非實獻捷

### 秋築臺于秦

何以書譏何譏爾臨國也

解詁曰言國者社稷宗廟朝廷皆爲國明皆不

當臨也臨社稷宗廟則不敬臨朝廷則泄慢也

### 冬不雨

何以書記異也

解詁曰京房易傳曰旱異者旱久而不害物也斯祿去公室福由下

作故陽雖不施而陰道獨行以成萬物也先是比築三臺慶牙專政之應

三十有二年春城小穀

夏宋公齊侯遇于梁丘

宋序上者遇禮近者為主遠者為賓故使宋主之也穀梁

傳曰梁邱在曹邾之間去齊八百里

秋七月癸巳公子牙卒

何以不稱弟

解詁曰據公弟叔肸卒

殺也殺則曷為不言刺

據殺買偃皆言刺

為季子諱殺也曷為為季子諱殺季子

之遇惡也不以為國獄緣季子之心而為之諱

遇惡

者未作而弭之之謂不以為國獄者季子之心不欲彰其事使國存為罪案也季子之遇

惡奈何莊公病將死以病召季子

解詁曰召季子之子陳

季子

至而授之以國政

解詁曰至不書者內大夫出與歸不兩書

曰寡人即



不起此病吾將焉致乎魯國

解詁曰致與也

季子曰般也

存君何憂焉公曰庸得若是乎

解詁曰庸猶備無節目之辭

牙

謂我曰魯一生一及君已知之矣

解詁曰父死子繼曰生兄死弟

繼曰及言隱公生桓公及今君生慶父亦當及是魯國之常也謹案世家自魯公以下考公生煬公及幽公生魏公及厲公生獻公及真公生武公及故事則然而季子必不欲立慶父者為其淫亂爾

慶父也存

徐彥曰莊公辭

季子曰夫何敢是將為亂乎夫

何敢

解詁曰再言夫何敢者反復思惟且欲以安病人也俄而牙弑械成

解詁

曰有攻守之器曰械謹案此弑械蓋即謀弑子般者牙弑不成慶父成之

季子和藥而

飲之

解詁曰藥者酖毒也謹案酖者以鴆羽畫酒鳩鳥大如鵝喙長尺餘嗜食蛇虺故甚毒雄

名通曰雖名陰諧

曰公子

斥呼公子外之之辭

從吾言而飲此則必

可以無爲天下戮笑必有後乎魯國

解詁曰時世大夫誅不宣

揚子當繼體如故

不從吾言而不飲此則必爲天下戮笑

必無後乎魯國於是從其言而飲之飲之巫僕氏

至乎王堤而死

巫僕氏魯巫官名僕者之家也左傳曰鍼巫鍼蓋僕之氏王堤地名

音義舊本爲無僕氏釋文云無木又作巫今定从巫

公子牙今將爾

解詁曰今將欲

弑辭曷爲與親弑者同

解詁曰辭傳序經辭親躬親也

君親無將

將而誅焉

解詁曰親謂父母

然則善之與口然殺世子母

弟直稱君者甚之也季子殺母兄何善爾誅不得

辟兄君臣之義也

解詁曰以臣事君之義也唯人君然後得申親親之恩音義辟

音然則曷爲不直誅而酖之行誅乎兄隱而逃之

使託若以疾死然親親之道也

季子大義滅親變之正也春秋既善

之矣而又深順其諱文明乎季子隱之緩之不得已而後出於殺者後若倫罔之徒苟翦骨肉以自利者乃不得假季子為口實也其過惡也破斧之志乎其親親也常律之志乎於牙不暴其罪於慶父不探其情有愛兄之心如季子焉雖殺兄可也不然是亂而已矣曰鄭伯克段于鄆則其忍於殺弟見曰公子牙卒曰公子慶父如齊則季子不忍殺其兄見故春秋之立言也董子所謂聖人能繫心於微而致之著者也所傳聞世內大夫卒不日已去弟起其刺故從刺例日也凡內刺大夫有罪者日無罪不日

## 八月癸亥公薨于路寢

路寢者何正寢也

穀梁傳曰寢疾居正寢正也男

解詁曰在寢地加錄內也夫人不地者外夫人不卒內書薨已錄之矣故出乃地

冬十月乙未子般卒

子卒云子卒此其稱子般卒何

解詁曰据子赤不言子赤卒

君

存稱世子

解詁曰明當世父位為君

君薨稱子某

解詁曰名者尸柩尚存猶

以君前臣名也謹案顧命逆子釗惟未殯前稱之周禮之文也經於子般子野既殯未葬猶稱名尚哀也春秋既葬稱子六月癸酉葬我君文公冬十之質也既葬稱子月子卒是也解詁曰不名者無所屈也緣終始之義踰年稱公解詁曰不可一年不二君故稱子也踰年稱公解詁曰不可子般卒何以不書葬問本不書葬耶為賊未討耶未踰年之君也

有子則廟廟則書葬無子不廟不廟則不書葬

明無

子本不書葬縱討慶父猶不書葬就為子野卒發通例也葬從恩錄無子者恩殺且葬當舉諡不廟則無諡不可得書也有子者當為之作諡列於五廟義已附統與子不得立立孫者殊也許叔重五

經異義云禮臣不殤君子不殤父君無子而不爲立廟是背義棄禮罪之大者也鄭司農駁曰未踰年君皆不稱公書卒弗諡不成于君也廟者當序於昭穆不成于君則何廟之立凡無廟者爲壇祭之近漢諸幼少之帝尚皆不廟祭而祭於陵云罪之重者此何故不罪殤者十九向下未踰年之君未必未冠引殤欲以何明也解詁曰稱卒不地者降成君也弑不去日見隱者降子赤也

### 公子慶父如齊

穀梁傳曰此奔也推其事慶父弑般

假國事以行故舊史言如耳春秋因而不變者緣季子之心而爲之諱也後出奔莒不復諱者正其罪也子般之弑歸獄於鄧扈樂季子親親不探其情及其再弑閔公罪益大乃拒奚斯之請而誅焉季子之治慶父先以仁後以義春秋所賢也故季子諱之亦諱之季子罪之亦罪之

### 狄伐邢

春秋公羊經傳閔公第四

公羊通義  
卷之三下

謹案漢藝文志春秋古經十二篇經十一卷公羊傳十一卷何邵公曰繫閔公篇於莊公下者子未三年無改於父之道傳曰則曷為於其封內三年稱子緣孝子之心則三年不忍當也開成石經題云春秋公羊經傳解詁閔公第四附莊公卷今仍之

元年春王正月

公何以不言即位繼弑君不言即位

解詁曰復發傳者嫌繼未

踰年君義異故也明當隱之如一

孰繼繼子般也孰弑子般慶父

也殺公子牙本將爾

音義木舊作今據釋文出本將音則陸氏本作本上傳云

今將爾此傳云本將爾義各有施作本字者長今從陸氏下同季子不免慶父弑

君何以不誅將而不免過惡也既而不可及因獄

有所歸不探其情而誅焉親親之道也

將而縱之是與成其

弑也既已弑矣不及得救季子以愛兄之道受逸賊之過其幾於仁乎解詁曰論季子當從議親之辟猶律親親得相首匿當與叔孫得臣有差

惡乎歸獄歸獄僕人鄧扈

樂曷爲歸獄僕人鄧扈樂莊公存之時樂曾淫于

宮中子般執而鞭之莊公死慶父謂樂曰般之辱

爾國人莫不知盍弑之矣使弑子般然後誅鄧扈

樂而歸獄焉

解詁曰殺鄧扈樂不書者微也徐彥曰卽左氏傳云雋講于梁氏女公子

觀之圉人犇自墻外與之戲也者得與此合謹案養馬者曰扈見宣十二年注然則扈卽圉也犇樂聲

季子至而不變也

至者自陳至也卽下季子來歸是也解詁曰季子知樂勢

不能獨弑而不

變正其真偽

齊人救邢

夏六月辛酉葬我君莊公

秋八月公及齊侯盟于洛姑

季子來歸

其稱季子何

解詁曰據賢也

先君之母弟稱季子

王季子是也莊公之

篇友未稱弟今以遇惡功大特從先君母弟之貴稱稱之顯其賢也後不恒書季者其率師盟聘並以君命君前則名以是內臣與王季子來聘得從內錄尊敬辭者異故但於來歸及卒此二事不繫

君者字

其言來歸何

解詁曰據召歸

喜之也

解詁曰季

子來歸則國安故喜之而變至加錄云爾謹案子般之弑季子奔陳於是召而復之故言來歸何仰公必不信左氏乃以上傳季子至為從家至朝此經來歸為自洛姑歸支離之說今悉無取然則奔



陳不書何也劉敞曰出奔書者治之也不書者弔之也莊公死子般弑慶父夫人亂乎內魯國之不絕若綫季子生則可以易死故不可以死而可以生季子存則可以易亡故不可以存而可以亡其生也賢於死其亡也賢於存是以雖出奔弔之也

### 冬齊仲孫來

齊仲孫者何公子慶父也公子慶父則曷爲謂之

齊仲孫繫之齊也曷爲繫之齊外之也

慶父既以罪去則當

逆諸齊絕其公族使常爲齊人不當令復來故變文不言自齊來而繫齊于上以見義也左氏不達春秋微意因訛爲齊仲孫湫來省難彼未知高子來盟不言使者我無君也此時我有君令實仲孫湫必無不言齊侯使曷爲外之春秋爲尊者諱爲親者諱知左氏誣爾

親者諱爲賢者諱

爲尊者諱諱所屈也內不言敗盟大夫不稱公之類是也爲親

者諱諱所痛也弑而曰薨奔而曰孫之類是也為  
賢者諱諱所過也諱與譏之為用一也其事在譏  
之限其人在尊親賢者之科然後從而諱之三者  
道通例耳此則主為賢者諱也慶父懼討久稽于  
奔聞季子至而不變乃肆志復入季子不探其情  
似也聽其來抑過矣書曰齊仲孫來為前之弑惡  
其來為後之弑痛其來為季子之受惡人諱其來  
是以外之之甚也變言仲孫者斥慶父則非諱意  
子女子曰以春秋為春秋齊無仲孫其諸吾仲孫  
與言後之讀春秋者將以春秋之文治春秋之事  
則前後經未見齊有仲孫者其必知為吾仲孫  
與明繫之齊不嫌也解詁曰主書者賊不宜來因  
以起上如齊寔弑君出奔謹案何氏之意得與上  
相起者實如者出歸不兩書今言來明從出奔  
復入兩書者例矣凡春秋之諱必使文不沒實  
二年春王正月齊人遷陽不為桓諱者  
遷愈於滅也

夏五月乙酉吉禘于莊公

傳如

其言吉何解詁曰據禘于大廟不言吉言吉者未可以吉也如傳

意言吉者特春秋加以爲譏而先儒云三年喪畢合有審諦昭穆之祭謂之吉禘未是也藉實審諦昭穆當就太廟合羣主何得于莊公平禘者殷人夏祭之名左傳曰魯有禘樂明堂位曰季夏六月以禘禮祀周公于太廟成王康周公特於夏祭假以天子盛禮樂嫌純同王者故不謂之禘而謂之禘以避其名猶用殷牲白牡之意王制曰天子之禘以禘祫祫嘗祫烝諸侯禘祫禘一祫一祫嘗祫烝祫一祫一祫者非必一年禘一年祫一祫或也若穀梁傳云一有一一爾雅云泉一見一否夏小正云一則在本一則在末其義皆爲或言春禘必禘祫一主嘗烝必祫祭五廟禘則禘祫無常僖八年禘于太廟是祫禘也禘于莊公乃禘禘也均四時之常祀也此未可以舉常祀而舉之故加吉爾曷爲未可以吉未三年也三年矣曷爲謂之未三

公薨至是適

年據已涉三年之喪實以二十五月解詁曰時莊公薨至是適

二十二月所以必二十五月者取期再替恩倍漸  
三年也孔子曰子生三年然後免于父母之懷夫  
三年之喪天下之通喪禮士虞記曰替而小祥曰  
薦此常事又替而大祥曰薦此祥事中月而禫是  
月也吉祭其言于莊公何莊宮未可以稱宮廟  
猶未配

也曷爲未可以稱宮廟在三年之中矣

解詁曰當思慕悲哀

未可以鬼神事之

吉禘于莊公何以書譏何譏爾譏始不

三年也

檀弓曰魯莊公之喪既葬而經不入庫門士大夫既卒哭麻不入可以見即吉之遽

矣文公因之欲久喪而後不能宣公自以弟繼兄無子道遂復踰年吉娶積習爲常至於懿文公復三年之喪而父兄百官以爲宗國魯先君莫之行有自來也故於變禮之始重譏之

秋八月辛丑公薨

公薨何以不地隱之也何隱爾弑也孰弑之慶父

也殺公子牙木將爾季子不免慶父弑二君何以

不誅將而不免過惡也既而不可及緩追逸賊親

親之道也

解詁曰不書葬者賊未討

九月夫人姜氏孫子邾婁

解詁曰為淫二叔殺二嗣子出奔

公子慶父出奔莒

不復言仲孫者本為內諱今畏討出奔是內已正其罪無所諱也內

大夫奔例月罪不明者乃日故慶父可以不以日赦紇僑如皆錄日以著其有罪

冬齊高子來盟

高子者何齊大夫也何以不稱使我無君也

解詁曰時

閔公弑僖公未立故正其義明君臣無相敵之道也春秋謹於別尊卑理嫌疑故絕去使文以起事張例則所謂君然則何以不名  
解詁曰据國佐盟名喜之也不使乎大大也

何喜爾正我也其正我奈何莊公死子般弑閔公

弑比三君死曠年無君設以齊取魯曾不興師徒

以言而已矣曠空也時季子力不能立僖公相與通邾婁設桓公不為魯定僖公之位

使我曠年無君則國幾亡矣徒以言者喻其易桓公使高子將南陽之甲

立僖公而城魯解詁曰南陽齊下邑甲革皆鎧冑也城魯不書者諱微弱謹案甲甲

士也齊桓公作內政有中軍之鼓有國子之鼓有高子之鼓各帥五鄉焉南陽者蓋高子所帥鄉名

或曰自鹿門至于爭門者是也或曰自爭門至于

吏門者是也解詁曰鹿門魯南城東門也謹案說文解字曰淨魯北城門池也或以為

爭門魯北門故其池即从爭加水名之魯人至今以為美談曰猶望

高子也解詁曰久濶思相見者引此為喻美談至今不絕也喜而加高子者美大齊桓繼絕

子魯故尊其使起其功謹案高侯齊卿之命乎天子者前盟防降書名氏耳本在字例故今進一等褒之得

稱子

十有二月狄入衛

左傳曰衛懿公及狄人戰于葵澤衛師敗績遂滅衛而經但言入衛

則公羊子謂為齊桓諱者信矣

鄭棄其師

鄭棄其師者何惡其將也鄭伯惡高克使之將逐

而不納棄師之道也

毛詩序曰清人刺文公也高克奸利而不顧其君文公惡

而欲遠之不能使高克將兵而禦狄于境陳其師旅翱翔河上久而不召衆散而歸高克奔陳公子素惡高克進之不以禮文公退之不以道危國也師之本故作是詩也然則經以鄭棄其師言之猶清人之意乎

公羊春秋通義卷三終

經傳凡五千九百二十六字